

NI NG'ANDA NZI NJO

MUYA KUNDI YAKILA?

 Nda kulumba, Mukwesu Green. Calo neoolwe. Ii kujuzya ku Mukwesu a Mucizi Green, a boonse bali kokuno cifumo cino. Elyo ncoolwe eco Nce limvwa kuti Nda pa kuli ndime, kuboola ku busena obu bwa kukombela, kubamba kwaambilizya kusyoonto.

² Nse yandi kubweza ciindi ca Mukwesu Green awa, nkaambo Nda kamumvwa Mukwesu Green ziindi zisyoonto, kakanana, elyo Nda koongelezegwa ncobeni, alimwi mbuli mbwa kaleta Ijwi ly a Mwami kuli ndiswe, a kulibombya loko kujatikizya ncico. Jilo wa kati, "Nse jani Ijwi kuzwa ku Mwami mbuli kuti Ly a kanjila mu ciyubunuzyo, mbuli—mbuli Mbo lyakatumwa, pele," wakati, "Ndi yanda kwa—kwa ambilisisya ali ceeco caambwa." Wa kati, "Mbuli cindi Paulo nakalemba cintucimwi mu Bbaibbele, Nda boola okuno ku kwaambisyia ali ceeco nca kaamba." Kati, "Nse jisi mulumbe, buyo kwa ambilisisyi ali ceeco cakaambwa kale kuzwa ku Mwami." Lino eco cakali kwaamba ncobeni, i—i mulombwana mukubusyi mbuli oyo, a kwaamba, kwaamba kaambo mbuli obo.

Lino atube a jwi ly a mupailo antoomwe.

³ Oyandwa Leza, Nse zyi nzila ya katalika, nkambo Nda limvwa kuti Uli waano sunu, alimwi mu Busyu Bwako lyoonse tulimvwa kuubauka loko. Elyo Nda—Nda Ku lumba ku coolwe eci. Lino, Mwami, kuti Wa tupa busena obu kuli ndiswe, twa komba kuti Uyo swaangana a ndiswe ciindi coonse eco nco tu swaana kuno. Elyo akube kuti Muuya Wako Mupati weende kuya ku dolopo eli! Akube kuti tu konzye kuleta Mulumbe oyu wa Makani mabotu oyo waka pegwa kuli ndiswe a kutondezegwa ku maanza esu mu mazuba aya aa mamanino, akube kuti Li zulile, alimwi Ugusye buntu boonse kuzwa mu Tucson a koonse kujatikizya, obo Mbo kasalila Buumi. Kopa zintu ezi, Taata, mu Zina ly a Jesu Kristo. Ameni.

⁴ Ndi yeeya kuti Ndi yanda kubala kampango kaniini ka Lugwalo awa cifumo cino, nke tana buyo kwaamba majwi aya Nge yanda kwaamba. Ci janwa mu Incito, chipati ca 7 ica Bbuku ly a Incito. Elyo kuciindi nomu jula kuli ceeco, tuyu talikila aa kampango ka 44.

⁵ Lino tuunka ku Shreveport mvwiki eyi, mvwiki eyi iboola, ku matobelanwa aa miswaangano, elyo lino tuyu sola, ikuti na Mwami wayanda. Mukwesu Moore, Mukwesu Jack Moore, mweenzuma mabotu loko wa koonse Mukwesu Pearry a Ndime,

alimwi tula tuyanda Mukwesu Jack. I Mulumbe, Ndi yeeya kuti, kubaanga nkumuka aniini, kapati aa zintu zimwi nzo tu yandisya a kusyoma, kuti—kuti Ca kaboola kuli ndiswe kwiinda mu kujulwa kwa Zinamatizyo zili Ciloba, mbuli mbo tu Ci syoma, mbuli boobu, “lunyungu lwa nzoka,” a “kukwabililwa Kutamani kwa basyomi,” a—a zimwi zimbi, Milumbe imwi eyo. Kuti, ndiza kuli bamwi... Ta tuyeyi kuti Eci nciyumu, pele, Ci, weeleda kujula moyo wako ku Bwini. Tula syoma kuti tupona mu i—i ciindi caku mamanino. Eco cili buyo kasimpe loko kuli ndiswe, kuti tuli buyo ku mamanino aa lweendo.

⁶ Elyo ku kanana mu mbungano imwi imbi ya muntu, ee, uyanda kulemekwa kubamba akusamausya kwa muntu oyo, bwa—bwa kuupa ciindi eco ceelede caku njila mu mbungano yakwe. Elyo Mebo, masimpe, mukuziba kuti taba syomi muli Ceeco, alimwi inga Nda balemeka kweelede kuti... Kuli kunji loko nko Ndi konzya kukanana awo, kunze lya kuleta Eco mukati; citakuti buyo Muuya Uusalala buyo wacita ku Ci tonta aniini, nywebo mwabona, mpawo inga Nda amba ncobeni mbuli Mbwa kaamba. Elyo Nse zyi kabotu kwiinda kucita ceeco, alimwi Nda syoma Nse iyaki kabotu kwiinda kucita ceeco. Mwabona? Atu Ly aambwe nzila Mbwaka Ly aambwe.

Lino atu bale buyo i—i kampango na obilo awa kuzwa i—i cipati 7 ca Bbuku lya Incito, kutalikila a kampango ka 44.

Bamatata besu bakali jisi cikombelo ca bumboni mu nkanda, mbuli mbwa kalailila, kaamba kuli Musa, kuti weeleda ku ciyaka mbubonya ku cikozyanjo eco nca kabona.

Bali abalo bamatata besu bakasika niba kamana kunjizya a Jesu ku lukono lwa Bamasi, abo Leza mba katanda kumbele lya busyu bwa matata esu, ku mazuba aa Davida;

Oyo waka jana luzyalo kumbele lya Leza, nkabela wakayanda kujana cikombelo ca Leza wa Jakobo.

Pele Solomoni waka tuyakila i ng'anda.

Nekubaboobo Sijulu lwa majulu takkali mu matempele aaka citwa aa maanza a muntu; mbuli mbwa kaamba musinsimi,

Julu nce cuuno cangu cabwami,... nyika mutandabilo bwangu: ni ng'anda nzi njo maya kundi yakila: mbwaamba Mwami: na mbusena nzi bwa kulyokezezya kwangu?

Sa maanza angu taka bamba zintu ezi zyoonse?

Ali Ceeci, kubala kwa Lugwalo olu, Ndi yanda kwaamba majwi masyoonto ayo Nge yanda kwaamba Mukwesu Pearry katana kuleta mulumbe wa cifumo.

⁷ Nda jana eci cimwi ca ziindi zipati zya kuswaya kwangu ku Tucson. Nda boola kuno nkaambo kakuti Nda soleolelwu kuboola kuno. Nda boola okuno nkaambo kakuti Muuya Uusalala, kwiinda mu cilengaano, waka nditumina okuno. Ndi lizi eco inga calibonya bweenzu, ndiza. Pele Walo, kuciimo mbuli Mbwe zyi, kufumbwa cintu eco Nce zyi ca Leza, Nda katumwa a cilengaano ku Tucson. Nda kalibuzya nzila Mbwe kasola kutumwa ku busena obu bwa lukula. Elyo mpawo awa ali . . .

⁸ Kwaambaula cakumuuya, ku munzi, Ta ndizi busena buli boonse bufwide kumuuya, kwiinda mu dolopo lya Tucson. Kuli nkondo akati ka mambungano. Kuli kukwankana akati ka mambunga. Taakwe lukamantano, alimwi onse kakwempa aku jatilila, a kusyanikizya, a kusola kujana *oyu* umwi, a kusandula. Lyalo lukula, kukanana kumuuya, akwalo.

⁹ Pele mpawo Nda kabala mu Bbaibbele, kuti oko Leza nkwa kaita Musa kuzwa ku bayandwa bakwe a boonse abo bakali bayandwa kuli nguwe, a kumutuma mu nkanda, ku kulemba Milao ya Bbaibbele. Eco cakali Cizuminano Cakale, Mabbuku one mataanzni, Matalikilo, Levitiko, a Deutronomo, Kulonga. Wa . . . Tii ndaka ambila buyo mu cilengwa, pele ayo Mabbuku one. Eco ncobeni ngu Cizuminano Cakale. Nkaambo, zimwi Zyaco zyakali ezyo basinsimi ncoba kaamba, mu Ntembauzyo ya Davida, azimwi zimbi, pele Makani aa bami. Pele ezi zyakali ziyandisi zya Cizuminano Cakale. Sena Musa waka zilembla nakamana kwiitwa kuzwa ku nyika yakwe yakuyalilwa, oko nkwa kazyalilwa a kukomezegwa akati ka bantu bakwe, alimwi waka tuminwa mu lukula, ku kulemba Bbuku eli lya Cizuminano Cakale.

¹⁰ Mpawo Nda kajana kuti mu Bbuku lya Cizuminano Cipy, oko Paulo, uuli ngo mukamwini, na kutali mukamwini, pele mulembi wa Cizuminano Cipy. Wa katandwa akwalo kuzwa akati ka bantu bakwe, alimwi, ku Muuya, mu Arebia, oko nkwa kabede myaka yotatwe acisela, kujana bunanike. Elyo Paulo ngo mulembi mupati wa Cizuminano Cipy. Lino, kuli Matayo, Marko, Luka, a Johane, pele bakali balembi abo bakalemba buyo eco Jesu nca kaamba mbuli mbo baka Mu tobela. Elyo, pele, amubweze Bbuku kuli Timoteo, a ku ba Roma, a ku ba Hebrayo, a zimwi zimbi, Paulo wakatambula bunanike kulemba Cizuminano Cipy; kubweza Cizuminano Cakale coonse mbuli cimvule, a kucibamba mu ncililano. Elyo Leza waka cizulizya, a kucibamba Cizuminano Cipy.

¹¹ Elyo lino ikuti na Cizuminano Cakale cakacita kutandwa kuzwa i . . . i mulembi wa keelede kutandwa kuzwa ku bantu bakwe, mu nkanda, ku jana bunanike bwa kulemba Cizuminano Cakale. Elyo mu Cizuminano Cipy, mulembi waka gwisigwa a Mukamwini, mu busena bwa lukula, ku jana bunanike bwa kulemba Cizuminano Cipy. Elyo Mabbuku ali namatikidwe a Zinamatizyo zili Ciloba; inga akwalo ciyanda mbubonya, Nda

syoma, mu mazuba aya, kujula Zinamatizyo ezyo zili Ciloba. Kusiya eco nco jatilide oyandwa, kuli ceeco nco botelwa loko, a muunzi muniini oyo wakapegwa kuli ndime kwiinda ku bantu, alimwi akati ka bantu bangu a beenzuma, a mbungano zyakali kali kusumpuka, nkabela teeba kabulide cimwi; a ku—ku siya eco, kusomona mpoonya kuzwa kuli ncico, a kuzwa, mu lukula oko nko takazyi muntu, a zintuzyonse kazi kulwana.

¹² Pele kuli cintucimwi kujatikizya Leza, eco Nca bingila muntu kucita zintu ezyo ziindilila ku kuyeeya kwakwe mwini, aboobo inga caba ku bulemu a lulemeko lwa Leza. Elyo Nda limvwa kuti, kutali lulemeko lwa kulicitila, pele Nda—Nda cimvwa ncoolwe kuti ca keelede kusiya zintuzyonse zya kaitwa kabotu kuli ndime, kusika omuno mu nkanda eyi a kupenga mbuli Mbwe tana penga mu buumi bwangu, awa mu nkanda eyi, na lukula olu. Pele Nda syoma, kuti mukucita ceeco a kuswiilila eco Leza nca kalailila kucitwa, Leza waka tujulila makani aasisidwe aa buzuba buno bwa mamanino. Elyo tuli kuno a Mulumbe oyu.

¹³ Lino, kwakali bantu banji baka nditobela, nkabela eco tacili ceenzu. Kanjikanji muntu swebo... I bantu bala yandana umwi aumwi, alimwi ci, luyando, luyo kutola ku zintu nzota yeeyi kuti inga wacita. Elyo bunji bwanu mwakasiya maanda aanu, mwa kasiya zyoonse, kuunka buyo, kuzwa awa mu lukula.

¹⁴ Banji baka nditumina, banji baka ndilomba, “Sa tu kaboose ku Arizona? Sa inga bwaba busena bubotu kuli ndiswe?” Ee, mbuli mbo cakaambwa kujatikizya Musa a mbabo, tii bwakali busena bwa mucelo, kwiina busena bwa pomegraniti.

¹⁵ Okuno kwiina mulimo munji wakucita, akupona kulaatala, a myuulo ya kuponena ilaatala. Mbusena buyumu nconzyo kukkanla, ngu Tucson, Arizona; kuvola kulaansi, alimwi—alimwi zyakulya zilaatala ku myuulo, a kubbadela mayake. Bwalo—bwalo mbusena buyoosya kupona, mu ciyanza eco. Pele nkwa nseba mbotu, kwalo nkuyumu. Elyo swebo ziindizimwi... Ta tweelede kubikka mizeezo yesu mu ciyanza ca zintu zya nyika eyi.

¹⁶ Twe elede kulanga ku kusololela kwa Muuya Uusalala. Pele cintu comwe eco candipenzya mu kuboola okuno, a kwaambila bantu, “Ee, ta mweelede kuboola,” na, “Mweelede kuboola,” kuti Ndi siye ku mugame aumwi, nzila Leza mbwa sololela oyo mugame kucita. Ndi yeeya kuti umwi aumwi wesu weelede kucita ceeco, kusololelwaa aa Muuya, ali ceeco cakucita.

¹⁷ Elyo bunji bwanu bazwa ku Jeffersonville, a mbunga okuya, elyo mwa boola okuno. Lino, cintu caka ndipenzya, bwakali busena bwa kukombela.

¹⁸ Elyo Nda mvwisya, mbuli Mbwe bala mu Lugwalo awa, lwa Stefano a kkeyala yakwe kakutanaba buyo lufu lwakwe; nkambo baka muuma mabwe mpoonya biyo kumane, ku mulumbe

wakwe. Mbuli mbwa kali kukanana, wa kat, “bamata besu,” kwaambaula ba Hebrayo mu mazuba mataanz, obo mbo bakasola kujana luzyalo kumbele lya Leza, ku kuyaka busena bwa kukombela. Wa kat, “Solomoni waka Mu yakila ng’anda, na buyake.” Tuli zibilene a kaano.

¹⁹ Pele Nda botelwa majwi akwe aatobel, “Nekubaboobo Sijulu lyajulu takkali mu maanda ayo akacitwa a maanza.” Mu busena bumbi muli Isaya, wa kat, “Ii mubili Ngo ka Ndi bambila; mwabona, cituuzyo a zipaizyo, a mayake, azimwi zimbi, pele mubili Ngo ka Ndi bambila.” Ee, tula mvwisya kuti wakali kukanana mpawo zya mubili omo Leza mwakaba mu cilawo, muli Kristo.

²⁰ Pele Nda syoma sunu, kuti bunanike bwa boola ku—ku Mukwesu Green, ku kweenda awa, walo a Mucizi Green, kabajosezya busena bwabo kujwe, akwalo, ku...kujokela mu Texas, kuboola okuno a...ku katalisya cintu; buyo kwiinda ku bunanike, kulimvwa kuti beelete kucicita. Ndila balumba baalumi abo bay a kutobela busololi bwa Kristo, kakutakwe kulanganya muulo ngo citola kuli mbabo.

²¹ Nekubakuti inyika yoonse, ndiza beenzinyoko mbabonya, bayeeya kuti uli lubide, pele tacili cilubide kuli nduwe. Kufumbwa kuti komvwa kuti kuli cintu cimwi kunze lya ncico, ngu Leza ukweenzya; taci lubide, alimwi lyoonse ciyo bomba kabotu.

²² Mwabona banabukwetene aba bakubusyi, mwaalumi mukubusyi wa talenta. Ta ndaambi eci nkaambo uli kkede awa. Elyo oyu mulindu mukubusyi a bavwanda bakwe, a mukwasyi wakwe waku komezya, alimwi wa leka ncito yakwe a zintuzyonse, kweenda awa.

²³ Nda mvwisya kuti myaka yakainda Nda kaitwa mu mulimo. Nse kaba mweembeli waka zwidilila, nkaambo Ndi jisi muuya, wa kwendeenda akuba mu nyendo. Nse konzyi kukkutila kuli konse. Kufumbwa buyo oko Muuya nko weenda, Nde elede kweenda a Nguwo, nkaambo Ndi jisi Mulumbe. Jesu wakati, “Nde elede kukambauka mu dolopo eli limbi akwalo.”

²⁴ Pele kuli baabo bali mbeembezi abo balangilila butanga. Ndili lumbide loko kuti Mukwesu Pearry wa katobela busololi bwa Muuya Uusalala, alimwi sunu tu jisi cikombelo. Calo nciniini. Eco ncibotu buyo kweelede kutalika, kubona eco Muuya Uusalala...Muku taziba, atweende buyo ntaamo a ntaamo. Lino, Nda syoma, ikuti na Leza wakanana ku Mukwesu a Mucizi Green, kuboola kokuno, alimwi wajula busena oko bana besu; mibusena bwa Munsono kuseeni kweenzya macinga abo, alimwi mu tugwagwa akweenda konse, bali jisi busena bwa kuboola kuzo komb, mibusena bwesu kukkala koons a kuswiilila ku cintu cimwi eco nco twakamvwa aa redio, eco cili kabotu.

²⁵ Pele swebo, mbuli nkamu eyi ya bantu, tuli jisi Mulumbe wa buzuba buno. Swebo, tula syoma kuti Leza waka tupa Mulumbe. Elyo Mukwesu Green, ngu, Nse yandi ku mwiita kuti sikubeleka aamwi, nkaambo tuli...Ee, mbo cibede, akwalo, kubeleka kwangu antoomwe, tuli antoomwe mu Mulumbe oyu. Mukwesu Green wakambauka cintu nciconya a Mulumbe oyo Ngwe syoma. Wa siya muunzi wakwe, wa kasiya bantu bakwe, wa siya mbungano yakwe. Wa kali, Nda syoma, wa kali mweendelezi wa cooko na cintu cimwi, ca kamwi ka tubunga, a kupa cintu coonse cindi na kamvwa Eci. Wa kasiya zintuzyonse ezyo zyakali ziyandisi kuli nguwe, akwalo, ku boola ku lukula, kugwasya buyo eco Leza nca tupa lino.

²⁶ Nda amba kuti Nda syoma tacili buyo mu myoyo yesu, ceelede kuba mulimo wesu ku mugwasya, zintuzyonse nzo tukonzya, kujanika ku miswaangano, kuboola okuno kuzo kombu, a kubamba busena obu awo Leza mpa konzya kuyubununa kuli ndiswe zintu Nzya jisi kuli ndiswe zya kuyubununa. Elyo mbuli ijwi lyakwe mbo lyakaamba, “I Mulumbe tau booli kuli ndime kwiinda mu kupa kwa bunanike, mbuli mbo cicita ndiza kuli ndiswe tobamwi, pele,” wa kati, “Ndili waano kwiiminina eco Leza nca kapa.” Ino nkaambo! Elyo Nda syoma, ikuti na toonse tuyu beleka antoomwe, tuyu bikka myoyo yesu kuli ncico.

²⁷ Ndi lizi kuti umwi aumwi wanu, ikuti na ulimvwa mbuli Mbwe cita, Ndi fwide nzala maningi kubona Muuya wa Leza kaweenda, Nse konzyi buyo kucizunda. Luzibo lumwi Ndwe kajisi buyo kutala mu mulundu, kumvwa buyo eco lomwe alubo, kuti Cintucimwi cindi Ne kasaanguna kufutulwa cakali cabulemu loko ku moyo wangu! Elyo inga twa boola mu busena, inga twa kkala alimwi twa cibona aakati kesu, kuti tuli mukuyuma. Mbuli mbo tukkede awa mu lukula, Nda njila akati ka bakwesu bangu, baambaula a ndime a Ndime kwaambaula a mbabo; lyoonse, mu nzila niini ya kulangilila, kulimvwa kuya a Muuya, mbuli mbo cakabede, kubona buyo ciimo ca mukwesu oyo, kubona eco cilubide. Nda katalika ku limvwa swebo kukkanla akulikwaya, kuzwa ku Muuya. Ca kaba ciindilila kuli calyoonse kuli ndiswe. Twe elede kukomba mu Muuya, oko Muuya wa Leza...Kutali biyo Mulumbe wesu weelede kuba bbalabala lya oora, weelede kuba bbalabala mu myoyo yesu. Mwabona? Ci leelede kuba mu myoyo yesu, na ta tukonzyi—ta tukonzyi ncobeni ku Ci tondezya ku bantu. I Muuya weelede kubweza Mulumbe, Wini. Elyo Ndila syoma a kusyoma muli umwi aumwi wanu, kuba Munakristo wini.

²⁸ Lino ba yandikana bamayi ba cikolo ca Munsondo. Bayo yandikana babelesi. Elyo Ndi yanda kwaamba eci kutegwa mumvwisye kumaninina. Eyi ni mbungano yangu.

²⁹ Nda kali okuno kwa myaka yotatwe. Elyo Nda kajisi mulyango omwe waka ndijulila, oyo wakali Mukwesu Mack

waka ndilomba kukambauka. Leza amu longezye. Nse na tambwa a bantu bamwi; taakwe cintu cibalwana, bali kabotu. Mukwesu Brock, mweenzuma wangu mubotu, Mukwesu Gilmore, bunji bwa bakwesu aba bana Pentekoste awa, bali loko, beenzuma bangu babotu loko. Nda bayanda; taakwe kubalwana. Nda mvwisya busena bwabo. Taba konzyi ku nditamba omuya, elyo mpawo kusyaala kuba mu kabunga kabo. Mwabona, taba konzyi kucicita. Nkaambo, ikuti na ba cita, bala tandwa. Aboobo mwabona busena bwabo. Nda kajisi cintu nciconya cakulanganya. Pele, ma, acibe lyoonse, "Amu yandaule lutaanzi Bwami bwa Leza," luyando lwa Leza.

³⁰ Elyo lino kuti, Mukwesu Green, Leza wa mutuma mukati omuno a ku tujulila mbungano ya Lusyomo luyandisi olo ndo tusyoma mo, tweede kuba balumbide loko kuli Leza, a kujanika ku kuswaangana koonse, kubweza busena boonse mbo tukonzya. Elyo ikuti na twa lombwa kwiitila, ku komba, ku kuyandaula, ku cita, atube basilumamba nkoonya ku i... buyo bayandisa ku cicita. Mwabona?

³¹ Amubambe Mulumbe cabulemu, amu pone musyobo ululeme wa buumi. Muta lekeli cisapi kuli boola ali Nguwo. Tu pona mukide kale ciindi cino. Twa—twa mukisya mu oora. Atu Li pone cakusalala. Ee, buumi bwangu, buumi bwako, buumi bwesu boonse buyandikana kusalwa, kumbele lya Leza.

³² Bantu besu baniini beenda buyo koonse, kuzwa ku busena kuyaku busena, kuzwa k cipekupeku kuyaku cipekupeku, a kuya busakana a kusakana kuzwa kuli Leza. Nconzyo. Lino, obo mbwini. Nda cibona mu bana bangu, elyo Nda bona lwangu kusika ku busena oko kutali... Yebo, weelede kulibunga antoomwe, ku kukomba Leza; i Bbaibbele lya kaamba boobo, "Cindi twa bona buzuba buno kabuswena, kunji oko kwaka boola antoomwe." Ikuti na kuli biyo bantu bobilo awa, koba umwi wabo. Lino eco... Elyo ikuti na twa boola antoomwe a kukomba antoomwe, mpawo swebo buyo, cintucimwi cimbi kujatikizya ncico, Jesu wakati, "Oko bobilo na botatwe nkoba bungene mu Zina Lyangu, Nkwe bede akati kabo."

³³ Lino, mbuli mbo Nda amba kale, Mukwesu Green waka ndaambila, nkabela wa ka caamba. Mukaintu wangu wakasika, kandaambila eco nca kaamba cindi Ne takaliko. Kuti, elyo wa kati cifumo cino, "I cikambaukilo cakali jukide kufumbwa ciindi." Lino kanji... Oko, kundi julile ku kanana.

³⁴ Lino, kanji, Nda kacita kweenzya lweendo loonse kuya ku Jeffersonville, Indiana, kupa Mulumbe oyo Leza ngwa kandipa, ku cileta ku bantu; koya lweendo loonse ku Jeffersonville, Indiana, alimwi umwi aumwi wanu kutobelana koonse ku cisi, aku kwabana ku mawaile a zintu, ku kumvwa Mulumbe, nkaambo awo mpo tuponena. Mwabona, nce ncico ncotuli waano. Ee, ta tweede kucita ceeco limbi.

³⁵ Leza ula ndipa Mulumbe, Nda konzya kweenda mpoonya awa ku cikambaukilo a ku ukambauka, a kulimvwa kwaanguluka ku kucicita. Inzya. Elyo Nda syoma, kwiinda kuli ceeco, kuti Leza Singuzuzyonse uyo mulongezya ikuti na mwaima buyo a mbungano eyi lino, eyi nkamu ya bantu. Kutali biyo obo, pele atuunke ku masena akuyo bona na tatu kakonzyi kuleta bamwi mukati. Mwabona, atu kanane kuli bamwi koonse, kukanana kuli mbabo kujatikizya mbungano yesu aceeco nco yaamba. Eco mbungano yesu... Tuli waano. Tu yanda kuti uboole, kuleta beenzu, alimwi Ndili masimpe ciyooba cibotu kuli ndiswe toonse. Mwabona? Tu jisi buyake, obo mbo tulumbide. Tuli lumbide ku busena obu, bwa kubungana antoomwe.

³⁶ Pele, "Nekubabooobo Sijulu lyajulu takkali mu matempele akacitwa aa maanza, mwabona, 'Nkambo Julu nce cuuno Cangu cabwami, alimwi nyika mbutandabilo bwa matende Angu; alimwi buli kuli busena bwa kulyokezezya Kwangu? Pele mubili Ngo ka Ndi bambila.'"

³⁷ Elyo tuli Mubili wa Kristo. Aboobo mbuli mbo tweenda kuzwa ku buyake bomwe kuya ku buyake bumbi, Nda syoma, mu kuleta Milumbe yesu, elyo tuyoseluka a kuba a miswaangano ya kuponesegwa. Elyo kufumbwa cintu Mwami nca yubununa kuli ndiswe kucita, tuyocijana moonya omu mu mbungano, kusikila cikavule kapati cakuti kuyo yandika kicitola kubusena bumwi bumbo, a kubusena bumwi bumbi, kusikila Jesu akaboole. Leza aku longezye. [Kabeela katakwecintu aa teepu—Mul.]

Atu kotamike mitwe yesu.

³⁸ Oyandwa Leza, mbuli mbo twiimvwi awa aa cibumbili eci, eco ciiminina, mpoonya atala lya cipaililo awa, tula mvwisywa kuti tuli i—i mukowa uufwa wa bantu, kuciimo mbuli nyika eyi mboyi langanya. Tu langa mu tugwagwa a kubona cibi kacilembedwe koonse, alimwi kuti Bulemu bwa Mwami buli mukuzwa cakubinda. Elyo tu lizi, cindi Bulemu bwa Mwami bwaakuunka kujulu, mbubonya Mbungano mboiya a Mbubo. Leza, tu yanda kuyooba okuya.

³⁹ Mazuba buyo masyoonto ainda, nkeimvwi awa ku kkona lya kagwagwa, kutala buyo lya kagwagwa, kulangilila pareedi eyo kaiselemuka kagwagwa; a kubona eyo myoota ya mpi yakaindi Lumamba Lutaanzi kaisololela mu nzila, mpawo kwa kaboola moota mupati wampi wa Sherman, kusule lya oyo wakatobela kuyabuya akuyabuya akuabuya, mpawo bamatumbu batambula nyenyeezi zya ngolide; i mukwasyi muniini waka pasauka, a mukaintu kalila, a mulombe muniini ugalankene waka sweekelwa wa bawisi, banyina baka sweekelwa mwana. Nda kayeeya, "Mbo kuusisywa," kwiiimikila mu kkona lya kagwagwa akulangilila cintucimwi ka ciinda. Mpawo kubona, mbuli buyo mbo bakainda buyake obu, lwiimbo lwakacinca kuti *Kuyambele*,

Basilumamba Banakristo. Kabacita kumacing'a kwabo, kusule; pele cindi niba kainda kasena aka!

⁴⁰ Oyandwa Leza, Ndi yeeya ciindi cimbi cipati ciboola, nkabela obo buyooba bubuke, cindi basikale bakaindi nobayo yutuka lutaanzi, basalali, basikale. "Nkambo swebo to baumi a basyaalizi tatuka sinkili na kulesya abo boona; nkambo mweembo wa Leza uyo lila, nkabela bafu muli Kristo bayo buka lutaanzi." Mpawo cindi twa bona eco cipati... bantu buyo kabeenda, kaba macing'a kwiinda mu milengalenga; alimwi tuno imvwi, kulindila kucinca kwesu, kuziba kuti tuyo wida mu mundando, aswebo. Leza, kotubamba kuba basilumamba basyomeka.

⁴¹ Buyo abo baka njilana antoomwe ncobeni alimwi bakali mu lumamba inga baziba eco nce cakali kwaamba ncobeni, kubona eyo myoota yampi kiienda. Elyo, Leza, tu yeeya kuti abo bakali mu nkondo ya buumi bayo ziba eco nco caamba, cindi twano lindila eibeela cesu kunjila mu cilao a busena, mu bubuke, kuya kujulu.

⁴² Elyo oyu, mukwesu wangu mukubusyi, wiimvwi awa, wakaiya kabotu, upakamene, kasamide, kalindila mudaala waku bikka maanza ali nguwe, umwi uli ngu siluzibo lunji wakaindi kuzwa kutala kuya mu mundando wa kumbele, mukuziba kuti uleelede kunjila mu nkondo, awalo. Oyandwa Leza, a maanza aya ateeleli Nda bikka aa mukwesu wangu, mu ciiminizyo Cako. Lelekwe Mukwesu Green, oyandwa Leza, oyo Ngwe leleka mu Zina lya Jesu. Akube kuti abweze Mulumbe oyu, Mwami, mu dolopo eli alimwi kufumbwa oko Nkoya kumwiita. Akube kuti abe uusyomeka, kazwide a Muuya, kapona buumi aatala lya mause. Leza, abe a myoyo ya bantu, kuti akonzye kuba yiisya a kubasololela a kuba lailila mu kazila ako nko tuyanda toonse kweenda. Ko cipa, Mwami.

⁴³ Longezya mukaintu wakwe uusyomeka, bana bakwe baniini. Longezya kusoleka kwesu okuno antoomwe, mbuli babunyina Banakristo awa aa nyika, kuti tukonzye kubweza Makani mabotu aya ku mamanino aa nyika. Tuma Muuya Wako aali nguwe, Leza. Twa lomba mu Zina lya Jesu Kristo, mbuli mbo tu mupa kuli Nduwe. Ameni.

Leza aku longezye, Mukwesu Pearry. Bweza Ijwi lya Leza!



Ni Ng'ANDA Nzi Njo MUYA KUNDI YAKILA? TNG65-1121
(What House Will You Build Me?)

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa Munsono kuseeni, Vumbipati 21, 1965, ku Tucson Tabernacle mu Tucson, Arizona, U.S.A, wa kagu sigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obo busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2022 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Kuzibya Kwa Nguzu Zyakkopi

Nguzu zyoonse zilitamininidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyabolwa mu ciyanza cakujokolosya, kusandululwa mu misyobo iimbi, na kubelesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org